

滇載記

一卷 楊滇著 淡生堂祁民鈔本

一冊

滇載記

淡生堂鈔本

丁亥新正四日芳菴

滇載記

成都楊慎著

孫宗者校刊

滇域未通中國之先有低羊苴者居永昌哀牢之山麓金今

地有婦曰沙壹浣絮水中觸沈本若有感是生九男曰九

隆族種類滋長支裔蔓衍竊據土地散居谿谷分為九十

九部其渠酋有六各號為詔夷語為詔為王其一曰蒙舍

詔今蒙化府其二曰浪施詔今浪寧縣蒙寧縣其三曰鄧賧詔今鄧州其四曰

施浪詔今浪寧縣蒙寧縣其五曰摩夢詔今麗江府其六曰蒙

雋詔今建昌兵將不能相君長至漢有仁果持九隆八族

之四世孫也強大居昆彌川今白崖定西嶺傳十七世至龍祐那當

蜀漢建興三年諸葛武侯南征雍闓師次白崖川獲

鬻斬之封龍祐那為酋長賜姓張氏割永昌益州地置雲南郡於白崖諸夷慕武侯之德漸去山林徙居平地建城邑務農桑諸部於是始有姓氏龍祐那之十六世孫曰張樂進求遜位於蒙氏考其時蓋唐世也張氏或稱昆彌國或稱白國或稱建寧國其年系莫可推詳

蒙氏始興曰細奴羅九隆五族年苴篤之三十六世孫也耕于巍山之麓數有神異孳牧繁息部衆曰盛代張氏立國號曰封民蒙氏偽稱南詔實唐貞觀三年也升居瓏珩圖山今蒙北及高宗時遣子入侍

朝命授細奴羅以魏州刺史死偽謚高祖又稱奇王子羅晟嗣

羅晟僭立當高宗上元三年至睿宗景雲中姚州蠻先附吐蕃御史李知吉請兵擊降之築城置州縣重稅賦因誅其豪雋掠其子女為奴婢郡蠻怨怒引吐蕃攻知吉殺之於是姚雋路絕晟猶奉唐正朔死偽謚世宗子晟羅皮嗣

晟羅皮之立當玄宗先天元年立孔子廟于中國死謚威成王子皮羅閣嗣

皮羅閣之立當玄宗開元十六年受唐冊封為雲南王

賜名歸義於是南詔浸強大而五詔微弱皮羅閣因仲夏  
二十五日祭先之期建松明為樓以會五詔宴醉後羅閣  
佯下樓擊鼓舉火焚樓五詔遂滅閣賂劍南節度使  
求令五詔為一朝廷許之於是盡有雲南之地因破吐蕃  
卒為邊患不可復制既併五詔乃卜太和形勝左洱水  
右蒼山山海之交結於子午遂築太和城自蒙舍徙居  
之立上下二閣曰龍首龍尾連陷遼川永昌石鼓沙追  
賧龍佞賧後遣其孫鳳伽異入朝唐授鴻臚少卿妻以宗  
女賜樂一部南詔於是始有中國之樂死子閣羅鳳嗣  
閣羅鳳之立以天寶八年故事酋長謁都督偕妻子行

鳳翠家至雲南太守張乾陀皆私之復多徵求鳳怒反攻

雲南殺乾陀取夷州三十二陷雋州獲唐西瀘令鄭回拜

清平官

即其國  
丞相也

天寶十年夏四月庚寅劍南節度使鮮于

仲通將命致討鳳伽異及段儉魏逆戰于西洱河唐兵

死者六萬人仲通僅以身免封儉魏為清平賜名段忠國

以旌之遂臣于吐蕃吐蕃封之為東帝刻碑國門之外明

叛唐非得已也僭國號曰大蒙始建年號曰贊普鍾十三

年劍南留後李宓將兵擊之為蒙氏所誘全軍沒焉唐益

發兵竟不能克前後死者二十萬人南詔自是始與中國

隔絕矣代宗太曆十四年死偽謚神武子鳳伽異未嗣而

死孫異年尋立僭改元贊普鍾七長壽十一

異年尋以唐代宗大曆十四年嗣立有智數善撫衆居史

城史城今喜州也連兵吐蕃入寇唐神策都將李晟擊破之異年

尋懼改城羊臉苴咩理今大理自稱曰日東王

僭封五嶽四瀆并立祠三皇廟春秋致祭以國界內點蒼

山為中嶽東川界江雲露松外龍山為東嶽在今緜勸州一名絳雲露

皆峭拔其山有共禽鳥穴銀生部曰界蒙樂山為南嶽在

者樂甸又名無量山其山千仞有一殿搖狂自空中來天帝娶天女處永昌騰越界高黎共

山為西嶽在今騰衝一名崑崙東臨濃江西臨龍川左

惡冬雪至春方融夏秋穿甸炎熾商賈愁怨為之謠曰冬時欲歸來高黎共上雪夏秋欲歸來無柰穿甸熱春時欲

歸來囊中資糧絕麗江界玉龍山為北嶽在今麗江一名聳雪山其山九峯雪貫四時玉

立萬仞千里望之若在咫尺與蜀松州諸山相接也以黑惠江瀾滄江路麗江為

四瀆接點蒼之顛添洱河之水立官號曰九爽三托其地

東至於銅柱鉄橋幡桃玉榆東南至於交趾南至於驃國

木落山西至太子石西北至於吐蕃北至於神州東北至

於黔巫八方之地屬以八演從中國教令都曰苴咩別都

曰善闡皆中國降人為之經畫也德宗貞元三年鄭回說

以大義令復歸唐異年尋然之會西川節度使韋臯招撫

群蠻尋因求內附而猶結好吐蕃臯乃為書遺尋叙其歸

化之誠轉至吐蕃吐蕃疑之異年尋歸附之至益堅九年

貞成已

四

上表請絕吐蕃復臣於唐十年自將數萬人襲吐蕃大破之遣其弟獻圖納貢及吐蕃所頒金印請復號南詔唐以其功遣使冊之賜銀窠黃金印王北面跪受之宴使者出玄宗所賜器物指老笛工歌女曰皇帝所賜龜茲惟二人在耳使者曰南詔當深思祖考子孫勿替盡忠皇唐對曰敢不敬使者之命死偽謚孝恒改元二見龍上元子尋閣勸嗣尋閣勸以唐德宗貞元十五年立死子勸龍晟立偽謚孝文改元

應道

勸龍晟以唐永貞元年立淫虐不道其臣嵯顛殺之而立其弟勸利晟謚曰幽改元龍興

勸利晟以唐憲宗元和元年立死偽謚靖王子晟豐祐立改元全義

晟豐祐以穆宗長慶四年立趨敢善用其下文宗太和三年西川節度使杜元穎不恤士卒有流入蠻境者蠻衣食之由是盡得蜀之虛實與其臣嵯顛遂謀入寇以蜀卒為鄉道襲陷邛戎雋三州引兵徑入城都取諸經籍大掠子女工技數萬人及珍貨而還南詔工技文織自是與中國埒矣豐祐乃遣使上表請罪元穎朝廷以李德裕代之德裕保障有方索南詔所掠百姓得四千人豐祐死偽謚昭成子世隆立改元保和天啓

世隆之立以唐武宗會昌十三年初常臯開蜀清溪道以通群蠻入貢又選子弟聚之成都教之書數以羈縻之而軍府不時給其餼洎南詔因是不肯入貢及世隆立朝廷以其名同玄宗諱不行冊禮諭令更名謝恩然後遣使會世隆寇嵩州事遂寢世隆乃僭稱皇帝懿宗咸通三年西寇安南四年寇交趾殺虜幾十五萬人留兵二萬使其將楊思縉據之谿洞夷獠皆降五年寇邕州敗還七年節度使高駢大破之復定交趾十年世隆傾國入寇陷犍為及黎雅嘉三州十一年進攻成都不能引還僖宗乾符元年復寇西川陷黎州入寇印峽閬勝負不常二年攻推州聞

高駢攻西川遣使請和駢發兵追至大渡河殺獲甚衆擒其酋長數十人四年復寇越嵩死於景淨寺自世隆嗣立以來為邊患殆二十年中國為之虛耗而其國亦弊偽謚

景莊皇帝子隆舜嗣建元極

隆舜通鑑作法誤也南詔名皆父子相承世隆之子曰隆舜近是之立以僖宗乾符四

年性好畋獵酣宴委國事於其臣是歲請和許之又迭請和親廣明元年遣宗正少卿李龜年克使中和元年上表款附三年以宗室女妻之後內嬖失道為豎臣揚登所弑

偽謚宣武子舜化真嗣改元二貞明嵯耶

舜化真之立以唐昭宗乾寧四年改元中興上書於唐

欵報以詔王建言小夷不足辱詔書臣在西南彼何敢犯  
塞從之立四年其臣鄭買嗣奪之而滅其國追謚孝哀蒙  
氏自細奴羅至舜化真十有三世立三百十年而為鄭氏  
鄭買嗣本唐鄭回之後世為蒙氏清平唐昭宗光化五年  
既滅蒙氏而自立改國號曰大長和改元曰安國死偽謚  
德桓子旻嗣立攻蜀黎州王建發兵大破之俘斬數萬級  
溺死數萬人求婚于南漢主以增城公主妻之改元五  
曰始元曰天瑞景星曰安和曰貞祐曰初曆死偽謚肅文  
子隆亶嗣立改元天應未幾為東川節度使楊干真所殺  
鄭氏三傳歷年二十有六而為趙氏

趙氏名善政為封氏清平楊干真既殺滅鄭氏遂拔善政  
而立之後唐明宗之天成三年也改國號曰大天興立僅  
十月干真又奪之而為楊氏

楊氏名干真既奪趙氏而有蒙國改國號曰大義寧改元  
曰尊聖貪虐無道中外咸怨通海節度使段思平興師問  
罪干真不能禦走死立僅二年而段氏興焉

段氏之先武威郡人有名儉魏者佐蒙氏有功賜名忠國  
擢清平官六傳而生思平思平生有異兆楊干真忌之使  
人索捕思平逃匿得奇戟于品甸波大村又得神驥於葉

鏡湖在雲南縣正南饑摘野桃剖之核膚有文曰青昔思

真或已



平拆之曰青乃十二月昔乃廿一日今楊氏政亂吾當以是日舉義乎遂借兵東方黑爨松爨三十七部皆助之衆至河尾是夕思夢人斬其首又夢玉瓶耳缺又夢鏡破懼不敢進也其軍師董迦羅曰三夢皆吉進也公為丈夫夫去首為天天子飛也玉瓶去耳為王王者飛也鏡中有影如人有敵鏡破則無影無影則無敵矣三夢皆吉進也思平乃決明旦引兵歆渡莫知所從見江尾一媪被璣而浣者指曰人從江尾馬從三矣爾國名大理從之得濟既逐楊氏而有蒙國遂改國號曰大理改元曰文德時後晉開運三年改元至治死偽謚

### 傳子思聰

思聰以後周廣順三年立改元三曰明德廣德聖德死偽

謚

傳子素順

素順子思聰未知何屬也

素順以宋太祖建隆四年立時王全斌既平蜀歆因兵威取滇以圖進於上太祖鑒唐之禍基於南詔以玉斧畫大渡河曰此外非吾有也由是雲南三百年不通中國段氏得以親臨熨爨以長世為素順十七年改元明正死偽謚應道皇帝傳子素英

素英以宋太宗雍熙二年立改元五曰廣明：應明聖明德明治死偽謚昭明傳子素廉

素廉以宋真宗祥符二年立改元二曰明啓乾興死偽謚敬明傳于素隆

素隆以宋天禧二年立改元曰明通天聖避位為僧死偽謚秉義傳于素貞

素貞以宋仁宗天聖四年立改元正治死偽謚聖德傳于素興

素興以宋慶曆元年立改元二聖明天明以無道國人廢之而立思廉

思廉以宋慶曆四年立皇祐中廣西儂智高掠廣州敗走大理狄青募死士使大理求之會智高已死於大理函其

首至京師段氏至是始聞名於中國思廉立三十一年改

元四曰保安政安政德 死偽謚世宗傳于連義

連義以宋熙寧八年立改元二曰上德廣安為其臣楊義貞所弑楊義貞篡立自號廣安皇帝凡四年段氏臣岳侯高智昇遣子昇太起東方兵討滅之而立段壽輝壽輝連義之從子

壽輝立二年改元曰上明傳於正明

正明以宋元豐五年立改元三曰保立建安天祐避位為僧時國人皆歸心高氏遂奉高昇太為主而段氏中絕

高昇太有切段氏為國人所立以宋哲宗之元符二年立國改國號曰大中國改元上治臨終屬其子太明日段氏

不振國人推我我不得已從之今其子已長可還其故物  
爾後人勿效尤也太明遵其遺言求段氏餘子正淳立之  
而段氏復興號曰後理國高氏世相之賞罰政令皆由之  
國人稱為高國主波斯崑崙諸國來貢大理者皆先謁相  
國焉

正淳復國改元天授以高太明為相高太連為柵主遣太  
連朝宋求經籍得六十九家立十三年再改元曰開明文  
安避位為僧傳於正嚴死偽謚中宗

正嚴以宋徽宗大觀二年立四十年改元四曰日新永嘉  
保天廣運避位為僧傳子正興死偽謚憲宗

正興以宋高宗紹興十七年立改元四永貞太寶龍興盛  
明避位為僧傳子智興死偽謚景宗

智興以宋孝宗乾道八年立改元五曰利貞盛德嘉會元  
亨安定死偽謚宣宗傳子智連

智連以宋寧宗慶元六年立改元鳳曆死偽謚享天傳弟  
智祥

智祥以宋寧宗開禧元年立改元天開仁壽死偽謚神宗  
傳子祥興

祥興以宋理宗嘉熙三年立改元道隆甲辰元兵攻之高  
禾逆戰敗死宋遣使祭之祥興死偽謚孝義傳子興智

興智以元憲宗元年立改元天定壬子歲元忽必烈將兵擊之分三道進自臨洮經行山谷二千餘里浮金沙江以革囊濟進薄大理興智及高太祥拒戰大敗祥興奔善闡太祥就擒不屈斬于五華樓下時白日當午忽雲起雷振世祖異之曰忠臣也遂虜興智滅其國段氏自思平至興智二十二主歷三百五十年元既滅段氏而有其地得五城八府蠻郡三十有七設大理都元帥府仍錄段氏子姓世守其土赦興智封為摩訶羅嵯管領八方興智死元季亂中原多故段氏復據之於是有一搃管出焉

一代總管曰信苴段實元中統二年入覲世祖嘉之賜璽書令總管大理善闡會川建昌永昌騰越諸郡以功累授行省叅政以攻石城今曲靖及仁德府今尋甸功錫虎符為總管

二代總管信苴段忠至元中隨元帥伐西林破會川通善闡平休林武定緬甸之後皆有功授金齒宣慰兼掌軍民萬戶府

三代總管信苴段慶元封為宣武將軍妻以公主入朝歸授雲南省叅政

四代總管信苴段正

五代總管信苴段隆

六代總管信苴段俊

七代總管信苴段義

八代總管信苴段光時元大德中中原

蕩梁王以元宗室鎮善闡與段氏分域構隙至大二年梁王大破光兵光將高蓬守羅那闡梁王密招之不從乃賂蓬庖人刺蓬以其首獻梁王王并庖人戮之至治元年玉案山產小赤犬群吠遍野占云天狗墜地為赤犬其下有大軍覆境又時雨鉄民舍山石皆穿人物值之多斃謠倍號曰鉄雨

九代總管段功初襲爵為蒙化知州至正十二年繼立為總管癸卯明玉珍自楚入蜀據之分兵四掠號曰紅巾明玉珍司將紅巾三萬攻雲南梁王及憲司官皆奔威楚諸部悉亂功謀于負外楊淵海海卦之吉乃進兵至呂閣敗紅巾于閩灘江殺獲千計紅巾收合餘衆再戰復勝殺段氏驍酋鉄萬戶紅巾屯古田寺段氏夕潛火其寺紅巾軍亂死者什七八又追至回磴關大敗之紅巾大呼之曰待明年來復仇時功在戰間得玉珍母寄其子書云爾征南務得之不得輕還軍少糧乏我當添補楊淵海效其書跡易之曰中國兵來急爾宜早歸遂募能入紅軍營者有小

卒陳惠願行玉珍得書恐國中有變又新失利遂急收軍  
功追之至七星關又勝之而還紅巾既退梁王深德段功  
以女阿禧妻之為之奏授雲南平章功自是威望大著于  
西南梁王曲意奉之功戀、不肯歸國其大理夫人高氏  
寄樂府促之歸其詞曰風捲殘雲九宵丹、遂龍池無偶  
水雲一片綠寂寞依屏幃春兩終、促蜀  
錦半牀闌北夫獨自宿好語我將軍只恐樂極生悲竟鬼哭功得書乃歸既而復往其  
臣楊智張希喬留之不聽既至善闡梁人私語梁王曰段  
平章復來有吞金馬嘔碧鷄之心矣盍早圖之梁王始啓  
疑於平章密召阿禧主命之曰親莫若父母寶莫若社稷  
功今志不減我不已脫無彼猶有他平章不失富貴也今

付汝以孔雀胆一具乘便可毒殪之主潛然不敢受命宿  
寐人定私語平章曰我父忌阿奴願與阿奴西歸因出毒  
具示之平章曰我有功爾家我趾自蹶傷爾父尚當為我  
裹之爾何造言至此三諫之終不聽明日邀功東寺演梵  
至通濟橋馬逸因令番將格殺之阿禧主聞變失声哭曰  
昨煨燭下經講與阿奴雲南施宗施秀煙花殞身今日果  
然阿奴雖死不奴負信黃泉也歎自盡梁王防衛者乃萬  
方主愁憤作詩曰吾家住存鴈門深一片閒雲到滇海心  
懸明月照青天青天不語今三載歎隨明月到蒼山悞我  
一生踏裏彩錦被吐嚕吐嚕段阿奴惜也施宗施秀同

奴歹也好雲片波濤不見人押不蘆花顏色改押不蘆乃北方起死

回生肉屏獨坐細思量肉屏駱駝背也西山缺立霜瀟灑林也

平章從官揚淵海亦題詩粉壁飲藥而卒其詩曰半紙功名百戰身不堪

今日總紅塵死生自古皆由命禍福于今豈怨人蝴蝶夢

淺慎海月杜鵑啼破點蒼春哀憐永訣雲南土錦酒休教

頻泗梁王愛淵海之才繕意款為已用見詩痛悼之乃厚

恤之令隨平章榷歸葬大理

十代總管信苴段寶切之子洪武元年嗣職梁王遣矢刺

平章七攻大理不克乃講和奏陞寶為雲南左丞未幾明

王珍復侵善闡梁王遣叔鉄木的罕借兵大理時寶已長

答書云殺虎子而還喂其虎母分狙粟而自詐其狙公假

途滅號獻壁吞虞金印玉書乃為釣魚之香餌綉圍淑女

自設掩雉之網羅况平章既亡弟兄罄絕今止遺一燄一

奴奴再贅華黎氏燄又可配阿益妃平章女僧奴志恒不

黎氏出手刺綉文旗以與寶曰我自束髮闡母稱父寃恨

非男子不能報此旗所以識也今歸夫家收合東兵飛檄

西洱汝急應兵會善闡又作詩二章曰珊瑚句我出香圍

滿目潸然泪濕衣冰鑑銀臺前長大金枝玉葉下芳菲鳥

飛先走頻來往桂香梅馨不暫移惆悵同胞未忍別應知

含恨點蒼依何彼穠花自紅歸車獨別洱江東鴻臺燕

真成已

占

圖鳳別岐山祥兆隱麟遊郊藪瑞光無自從今日鴻溝後  
成敗興忘不屬吾梁王見之恨寶入骨寶閣

高皇帝開基金陵遣其叔段真自會川入京奉表歸款

朝廷亦以書報之見御製文集時有妖巫女歌曰莫道君為山

海主山海笑諧：園中花謝千萬朵別有明主來寶數日

疾卒子明嗣

十一代總管信直段明洪武十四年授以宣慰壬戌春正  
月天兵破善闡梁王自鳩黨屬悉俘明遣都使張元亨馳  
書穎川侯傅友德西平侯沐英麾下曰大理乃唐交綏之  
外國善闡實宋斧畫之餘邦難列營屯徒勞兵甲請依唐

宋故事寬我蒙段奉正朔佩華篆比年一小貢三年一大  
貢友德怒拷辱其使明再上書曰漢武習戰僅置益州元  
祖親征祇緣善闡乞翼班師友德答明書曰我

大明龍飛淮甸混一區宇陋漢唐之小智卑宋元之淺圖  
天兵所至神龍助陣天地應符汝段氏接武蒙氏運已絕  
於元世寬命延息以至於今我師已殲梁王報汝世仇不  
降何待三月傅沐二將分兵宵緣點蒼顛繞出下關之背  
先樹旗幟遲明段兵驚潰大軍策馬亂流而濟明遂就擒  
并其二子仁義至金陵

太祖聖諭曰爾父寶曾有降表朕不恐廢賜長子名歸仁



授永昌衛鎮撫次子名歸義授鴈門衛鎮撫大理悉定是夏六月元普顏篤復叛據佛光寨在鄧州東北先不華叛據鄧州甲子正月十七日潁川侯傅良德復自七星關回軍大理平鄧川破佛光寨因定賦法築城隍設衛堡立學校比于中州列郡焉

逸史氏曰史稱西南夷靡莫之屬以什數滇最大元封中以兵臨滇王舉國降然未有稱也及張氏受姓後世迭君長者蒙氏鄭氏趙氏楊氏段氏高氏凡七姓惟蒙段最久故著稱焉夷裔盜名弭互起滅若蜂蟻然不足錄也然至與中夏交綏抗陵疲我齊民世主甘心焉以無用戕有

用是可慨已漢司馬氏傳西南夷誠有意哉余嬰罪投裔求蒙段之故於圖經而不得也問其籍於舊家有白古通玄峯年運志其書用楚文義兼衆教稍為柵正令其讀其可載者蓋盡此矣滇楚于三代為荒服漢僅割分其方雖胡元兵力勝之而不能守也于今列箐落而郡縣之馴鱗介而衣裳之華風沃澤同城共貫昭代恢宇前是孰並傳稱神農地過日月之表幾近是哉夫分隔之亂昔如彼大一統之治今若此干羽不警百五十年探言其故則金樞秘文縉紳罕睹况荒徼乎余慕宋司馬氏作通鑑采獲小說若河洛行年紀廣陵妖亂志者百二十家法孔子著

春秋取實書於百二十國也。因是有感遂纂蒙陵事以爲  
滇載記。其諸君子祖春秋而述二司馬氏者亦將有取于  
斯焉。

滇載記終

